



Sigebertus insigni eruditione & pietate extitit. Itaq; apud Germanos Rheni accolas Christũ prædicauit, atq; Ecclesias à Barbaris dissipatas aliquo modo restituit. Vnde Moguntinensis Ecclesiæ pastor electus fuit circa annum Christi 500, cũ Clodouæus magnus Francorum regnum ingenti gloria administraret. Habebat Sigebertus Vuilhildin sororẽ, cuius filia Mechtildis Hetano duci Frãcorum desponsata fuit. Cum aut̃ ille mortuus esset, Mechtildis uidua sese ad auunculũ Moguntiam recepit, atq; Monasteriũ Altenmunster suis sumptibus ædificauit. in quo etiã magna pietate Christo uixit. Itaq; Ecclesia Moguntinensis eius

opera recreata fuit. Postea uerò etiã Clodouæus Christianã religionẽ professus est. Vnde & ipse Sigebertũ ob plurimas uirtutes adiuuit, atq; in eo Episcopatu confirmauit. Cum hoc modo piẽ suã Ecclesiam institueret, tandẽ moriẽs apud antecessores absq; pompa sepultus fuit. Anon. in Mogunt. Episc.